



**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA TEŠANJ  
OPĆINSKI NAČELNIK**

Broj: 02-49-2-2926-3/13

Datum: 16.12.2013. godine

**OPĆINSKO VIJEĆE TEŠANJ**

**Predmet:** Informacija o realizaciji i efektima Plana ekonomske stabilizacije Opće bolnice Tešanj (po Zaključku Općinskog vijeća broj 01-49-2-483-19/13 od 31.05.2013. godine), dostavljena se-

Općinsko vijeće je na svojoj 8.sjednici održanoj dana 30.05.2013. godine, razmatrajući Informaciju o radu i poslovanju javnih ustanova kojima je osnivač Općina Tešanj za 2012. godinu donijelo Zaključak da na trogodišnji plan stabilizacije Opće bolnice Tešanj, koji su donijeli Upravni odbor i Direktor, saglasnost treba dati Općinski načelnik. O efektima ovog Plana Općinsko vijeće će biti informisano u roku od šest mjeseci od početka implementacije Plana, a najkasnije do 31.12.2013.

Rješenjem Općinskog načelnika broj:02-49-2-2926/13 data je saglasnost na Plan ekonomske stabilizacije Opće bolnice Tešanj broj:1110/13 od 22.02.2013. godine, uz obavezu JZU Opća bolnica Tešanj da izvrši slijedeće:sačini Program mjera ekonomske stabilizacije JZU Opće bolnice Tešanj za period 2013-2015 u kome će biti razrađene pojedinačne aktivnosti sa nosiocima i rokovima i da se pitanje alternativnog grijanja (tačka b.Plana) rješava nakon što se iscrpe sve mogućnosti usaglašavanja, korigovanja cijena i uslova isporuke toplotne energije od strane JP Toplana.

U Planu ekonomske stabilizacije Opće bolnice Tešanj je evidentno da se u periodu 2005-2012 godina Opća bolnica Tešanj susreće sa poteškoćama u poslovanju i sa nemogućnošću normalnog obavljanja i pružanja zdravstvene zaštite stanovništvu koje joj gravitira.Na sjednici Upravnog odbora koja je održana u novembru 2012. godine donesen je zaključak da je trenutno stanje neodrživo i da direktor sa menadžmentom izradi sanacioni program za konsolidaciju navedenog stanja.Sanacioni program bi trebao omogućiti smanjenje akumuliranog gubitka i smanjenje dosadašnjih obaveza i redovno servisiranje pristiglih obaveza.

U programu mjera ekonomske stabilizacije Opće bolnice Tešanj za period 2013-2015. godine ide se u dva pravca:

1.Smanjenje troškova gdje bi se, uz dodatno ulaganje od 210.000,00 KM, ostvario efekat u iznosu od 670.000,00 KM za navedeni period,

2.Povećanje prihoda uz dodatno ulaganje u opremu i izgradnju u iznosu od 80.000,00 KM ,a za što bi se ostvario efekat od 572.000,00 KM.

U Informaciji o efektima mjera ekonomske stabilizacije, februar-septembar 2013. godine vidljivo je da je došlo do smanjenja troškova i povećanja prihoda što je za efekat imalo pozitivan finansijski rezultat. Najveći efekat uočen je na smanjenju troškova plata radnika.Uglavnom se radi o platama doktora. Ovaj finansijski efekat je postignut drugačijom preraspodjelom radnog vremena.Ušteda na mjesečnom nivou iznosi oko 15.000,00 KM.

Efekt uštede u korištenju toplotne energije na nivou sezone grijanja izose oko 25.000,00 KM,dakle mjesečno preko 4.000,00 KM.Navedeno je rezultat kako mjera uštede i vremenskih prilika,tako i upornih razgovora menadžmenta Bolnice sa menadžmentom Toplana.

Najveće povećanje prihoda ostvareno je po osnovu povećanja redovnog prihoda Zavoda zdravstvenog osiguranja po osnovu priznavanja usluga koje se rade u Bolnici,a koje ranije nisu bile finansirane od strane Zavoda u iznosu oko 100.000,00 KM.

Ostale mjere koje su predviđene u planu i programu ekonomske stabilizacije nisu imale efekat u ovom periodu, te se očekuje njihova realizacija u narednom periodu.

Dosadašnje provedene mjere ekonomske stabilizacije rezultirale su smanjenjem troškova i povećanjem prihoda za navedeni period (u finansijskom iznosu efekat je 200.000,00 KM što je dovelo i do smanjenja obaveza prema dobavljačima za gore navedeni iznos).

Općinskom vijeću na usvajanje predlažemo slijedeće zaključke:

1. Prima se na znanje Informacija o realizaciji i efektima Plana ekonomske stabilizacije Opće bolnice Tešanj
2. Općina Tešanj podržava dalju realizaciju Plana i Programa ekonomske stabilizacije Opće bolnice Tešanj

Prilog:

- Plan ekonomske stabilizacije Opće bolnice Tešanj, broj:1110/13 od 22.02.2013. godine,
- Program mjera ekonomske stabilizacije JZU Opće bolnice Tešanj za period 2013-2015
- Informacija o efektima mjera ekonomske stabilizacije, februar-septembar 2013. godine:broj:6542/13 od 20.11.2013. godine.

**OBRADIVAČ**

Služba za društvene djelatnosti i  
investicije

**Azra Muslija, dipl. pravnik**

**PREDLAGAČ**

OPĆINSKI NAČELNIK

**Mr.sci. Suad Huskić, profesor**